



Broj: 01-129/22
Vareš, 30.05. 2022. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09) i člana 22. Statuta Općine Vareš – Prečišćeni tekst, broj: 01-162/12 od 11.09.2012. godine, na prijedlog Općinskog načelnika, Općinsko vijeće Vareš na 16. sjednici održanoj 30.05. 2022. godine, d o n o s i

O D L U K U

**o utvrđivanju visine naknade predsjedniku i članovima Upravnih odbora
Javnih ustanova čiji je osnivač Općina Vareš**

Član 1.

Ovom Odlukom utvrđuje se visina naknade za rad i angažman predsjednika i članova Upravnih odbora Javnih ustanova čiji je osnivač Općina Vareš i to za:

1. JU „Dom zdravlja“ Vareš,
2. JU Centar za socijalni rad Vareš,
3. JPU „Dječiji vrtić“ Vareš,
4. JU Opća biblioteka Vareš,
5. JU Centar za kulturu i edukaciju Vareš.

Član 2.

Visina naknade utvrđuje se za sljedeće organe Javnih ustanova:

1. Predsjednike Upravnih odbora i
2. Članove Upravnih odbora.

Član 3.

Naknade za rad predsjednika i članova Upravnih odbora Javnih ustanova iz člana 1. ove Odluke utvrđuje se u sljedećim iznosima:

1. Za predsjednika Upravnog odbora u iznosu od 150,00 KM
2. Za članove Upravnog odbora u iznosu od 100,00 KM

Član 4.

U slučaju službenog putovanja u svojstvu predstavnika Javnih ustanova, predsjednici i članovi Upravnih odbora imaju pravo na dnevnice i troškove službenog putovanja u skladu sa aktom Javne ustanove.

Član 5.

Naknade predsjednicima i članovima Upravnih odbora iz člana 3. ove Odluke isplaćuju se po održanoj sjednici i prisustvu istoj iz sredstava utvrđenih finansijskim planom Javnih ustanova.

Ukoliko je predsjednik odsutan, a sjednicu vodi član Odbora kojeg odredi predsjednik, onda se naknada tom članu obračunava kao predsjedniku.

Član 6.

Ugovor o angažovanju sa predsjednicima i članovima Upravnih odbora zaključuje direktor ustanove u skladu sa ovom Odlukom i drugim propisima u vezi sa radom Upravnih odbora.

Član 7.

Javne ustanove na koje se odnose odredbe ove Odluke dužne su uskladiti svoje akte u skladu sa ovom Odlukom najkasnije u roku od 30 dana od dana stupanja na snagu ove Odluke.

Član 8.

Za realizaciju ove Odluke zadužuje se Općinski načelnik i direktori Javnih Ustanova.

Član 9.

Stupanjem na snagu ove Odluke prestaje da važi Odluka o utvrđivanju visine naknade članovima Upravnih odbora Javnih ustanova čiji je osnivač Općina Vareš, broj: 01-102/14 od 31.03.2014. godine i broj: 01-51/17 od 28.02.2017. godine.

Član 10.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka je objavljena na oglasnoj tabli Općine Vareš 31.05. 2022. godine.

OPĆINSKI NAČELNIK

Zdravko Marošević

O B R A Z L O Ž E N J E

PRAVNI OSNOV

Sadržan je u članu 8. Zakona o principima lokalne samouprave, kojim se uređuje nadležnost jedinica lokalne samouprave za rješavanje pitanja od lokalnog značaja, a članom 13. utvrđena je nadležnost OV prema Javnim ustanovama, članom 25. Zakona o Javnim ustanovama utvrđeno je pitanje rada Upravnih odbora Javnih ustanova, članom 64. Zakona o zdravstvenoj zaštiti utvrđen je broj, način izbora i razrješavanja predsjednika i članova Upravnih odbora u zdravstvenim ustanovama, kao i druga pitanja, a članom 22. Statuta Općine Vareš, utvrđena je nadležnost Općinskog vijeća u donošenju Odluka i drugih propisa.

RAZLOZI ZA DONOŠENJE

Posmatrajući dosadašnji rad i angažovanje Upravnih odbora Javnih ustanova, dolazi se do zaključka da angažovanje, motivacija za rad i odgovornost zavisi od naknade koju su dobivali predsjednik i članovi Upravnih odbora koja je bila veoma niska. S toga povećanjem naknada doći će do veće zainteresovanosti za članstvo u Upravnim odborima, kvalitetniji rad i povećanje odgovornosti.

Rad ovih organa upravljanja u Javnim ustanovama je zakonska obaveza, stvaranjem uslova za rad kroz povećanje naknada doći će i do poboljšanja rada u Javnim ustanovama.

FINANSIJSKA SREDSTVA

Za realizaciju ove Odluke potrebna su finansijska sredstva, koje će Javne ustanove utvrditi u svom godišnjem planu rada.

**PREDLAGAČ
OPĆINSKI NAČELNIK**

Zdravko Marošević